

## Il magazin d'infurmaziun per uffants

### 17.25 CUNTRASTS SIN SRF 1

---

#### La lescha da secundas abitaziuns – ina farsa?

*Er en l'Engiadina Bassa patescha la populaziun locala d'ina mancanza dramatica d'abitaziuns pajablas. Quai fa surstar. Surstar fa er ch'i dat adina dapli secundas abitaziuns. L'iniziativa dal 2012 vuleva bain limitar abitaziuns da vacanza sin 20%. Tge è capità? Respostas dat il film da Cuntrasts.*



Il mars 2012 ha la maioritad dal pievel svizzer ditg «gea» a l'iniziativa da secundas abitaziuns. Cun quest votum han votantas e votants probablmain pensà ch'i saja finì cun la construcziun nunlimitada da secundas abitaziuns e quai en tut las vischnancas che han 20% u dapli secundas abitaziuns. Il problem è: in'iniziativa è be in text en la constituziun e betg ina lescha. La lescha fa il parlament a Berna, e quel ha approvà il mars 2015 ina lescha che fa oravant tut excepziuns: tut las chasa ch'existivan avant l'iniziativa – e quai èn circa 95% da las chasas existentas – dastgan tuttina vegnir duvradas e vendidas sco secundas abitaziuns. Ina farsa!? L'iniziativa vuleva bain limitar secundas abitaziuns!? Tge consequenzas che la lescha da secundas abitaziuns ha già en fin oz e tge connex ch'i dat cun la mancanza d'abitaziuns pajablas, mussa il film «La lescha da secundas abitaziuns – ina farsa?».